

39
8
7



Ein Sermon
D. Martini
Luthers.

Wittenberg
M. D. xxij.

N. 576

18



Ihesus.

Dieser heyliger Sanct Johānes hatt eyn ander visach/ das man seyn fest feyret/ denn die andern heyligen/ Darumb ist auch seyn legendt so seyn herlich beschrieben ynn dissem Euangelio / als keyns andern. Die andern feyt man vns yhis gutten leben willen/ vnd ist dahynn komen/ das man sie höher hebt/ denn man soll.

I h hab vorhynn gesagt/ das eyn ander ding ist/ die lere vnd das leben/ Darumb solt yhis gar wol vnterscheyden/ denn gott ist nicht so viel gelegen am leben/ als an der lere / darumb lest er die seynen offc struchlen ym leben/ wie wir lesen. Aber was die lere angehet/ da hatt er sie keyn harbreyt fallen lassen. Denn eyn böses leben/ ist nygent so schedlich/ als böse lere. Das böse leben ist niemāt schedlicher denn dem der es furet. Aber böse lere verfuert offc eyn ganz land. Das der Papst eyn böß leben furet mit haren zc. das kunden wir yhm wol zu gutt halten vnd wol den mantel vnd kappen darüber werffen/ vnd helffen zudecken. Aber das er böse lere ynn alle welt schwemmet vnd yder man verfuert/ das ist der todt/ vnd ynn keynen weg zu dulden.

Darumb sind die heyligen viel mehr zu ehren vns der lere/ denn vns yhis lebens willen/ das verkeret nu die vernunfft vnd kan es nicht also fassen/ als der geyst/ die felt dahynn/ vnd sihet gleyssen vnd das eußerlich leben an/ vnd will dem nachfolgen/ da wirt dem eyn Affen spiel darauff/ da kommen her die orden/ Sanct Augustinus hatt eyn seyn leben gefuret / dem haben sie wollen nach folgen/ darumb haben sie seyn leben ynn eyn regell verfaßt vñ eyn orden gestiffte auff seyn leben. Also Frāciscus zc. so es doch mit dem leben mißlich ist / denn man weysß auch nicht/ ob yhn gott ynn yhem leben verschonet hatt/ odder ob er eyn wolgefallen dran hab gehabt.

Derhalben soll man nichts mitt yhem leben bewerren/ wie dem alle klöster auff der heyligen leben gestiffte thun/ denn es ist keyns heyligen leben so gutt / das wir ynßer gewissen darauff

345
gründen vnd barwen sollen/ denn sie sind ia auch sunder gewes-
sen / vnd haben müssen betten/ Vergib vns vnser schuldt wie
wyr 2c. Darauß schliessen wyr / das zur bestettigung der lere/
Keyns heyligen leben gnugsam sey/ aber yhre lere soll man an-
men / als die lere der warheyt / darauß vnser gewissen barwen/
damit wyr auff Keyner creatur stehen / sondern alleyn auff dem
wort gottis. Juxta Esaiā/ verbum domini manet in eternum.

Darumb ist nu der erste mißbrauch / das wyr vns der heylig-
en leben zu eynem exempel fur bilden / vnd yhr leben fassen mit
reglen/ wie denn nu die siden hergehen. Darnach/ das man sich
auff der heyligen werck vnd verdienst tröstet/ vnd ist dahyn ko-
men/ das man viel mehr auff der heyligen verdienst barwet/ denn
auff Christus verdienst. Tu Christus ist alleyn der/ der fur vns
redt vnd vertritt / wie Paulus sagt zu den Ro. cap. 5. et. 3. Die
weyl wyr gerechtfertiget sind/ so haben wyr frid / vnd eynen si-
chern zugancß zu gott durch Christum vnd durch seyn blutt/
also ist vns hie Christus zu eynem mittler gestellet. Wenn ich
nu das nicht thu / sondern eyn ander mittel suche/ so thu ich
Christo eyn vnehre vnd seynem blut eyn Schande auff.

War ist's / wyr sollen eyner den andern chren vnd fur gottis
kind hallten / das selb sollen wyr den heyligen auch thun / aber
das ich mich also demütigen wolt/ nicht fur gott treten/ son-
dern eynen heyligen zu eynem mittel stellen/ das sol ich nit thun.
Denn durch Christum hab ich gleych so wol eyn sichern zus-
gancß zum vatter/ als sanct Peter odder Paulus/ ob sie gleych
reycher ym glaroben gewesen sind/ denn ich/ da leytt nichts an/
denn ich hab gleych als wol den Christum / das blutt / den
zugancß/ die kost/ als sie.

Man hatt Christum gemacht/ wie eynen ernstlichen gra wo-
samen richter/ darumb hat niemant wöllen on eyn mittel hynn
zu gehen/ vnd ist dahynn kommen/ das der S. Peter. Jhener S.
Paulus 2c. zu eynem patron erwelet hatt/ vnd also yhr zuuers-
sicht von Christo abgewendt/ auff die heyligen gestelt/ vnd ge-
sprochen. Ich hab S. Peter 2c. zu eynem patron/ sanct Paulus
ist meyn Apostell/ ich verimeyn selig zu werden. Also ist Chris-
tus auß dem mittel gestelt.

War ist's/wie sie sagen/das wir mit on mittel zu gott gehn
sollen/das mittel ist aber Christus/wie Sant Paulus sagt/so
müssen wir vnsern Christum ehren / von dem wir vnsern na-
men haben/das ich gleych so wol durch Christū zu gott durff
gehn/als sanct Peter vnd Paulus / damit sellt nun dahynn die
Zuversicht der heyligen von yhm selber. Denn es ist warlich
eyn grosse abgötterey worden / on yhre schuldt/ das wir vnser
hertz auff sie gewend haben / vnd vnser hoffnung zu yhn ge-
habt/ vnd an yhn gehangen.

Aber das fürbitten ist eyn ander ding / denn zuuersicht/
Denn ich soll für dich vnd du für mich bitten. Aber das fürbit-
ten kan niemant thun/er sey denn zuuor eyn gleybiger Christen
vnd heylig/ wilchs yhm on allen verdienst geben wirtt / durch
den eynigen mitteler Christum / Syntemal keyns bitten für gott
gilt/er sey denn eyn Christen / wenn wir aber Christen sind/so
sind wir ym gleycher macht mit Christo vnd allen heyligen
für gott zu treten vnd zu bitten / wie er sagt Johann. 15. Ich
sage nicht/das ich den vatter bitten woll/ denn der vatter liebet
euch selbsts/darumb/das yhr mich lieb habt.

Summa / keyn Christen kan der massen für den andern
Christen bitten / er sey ym hymell odder auff erden / alls gelte
seynt gepett mehr/ denn des andern / sondern des geringsten kna-
ben odder medlin gepett auff erden gilt also viel/ als Sant Pe-
ters odder Gabriels ym hymel/ alleyn darumb / das sie alle den
selben Christum haben / gleyche erben/ priester / Könige vnd Bru-
der mit yhm vnd durch yhn worden sind. Widderumb eyns
ungleybigen gepett ist nichts. Aber eyn gleybiger mag wol
für den ungleybigen bitten. Darumb können wir auff keynen
menschen vnsern trost vnd zuuersicht setzen / denn alleyn auff
Christum den eynigen mitteler / Syntemal auch der Christen
vnd heyligen gepett nicht auff yhn selbsts/ sondern alleyn auff
den mitteler Christum sich trosten.

So magstu nun sprechen/was sollen wir nun mit den
heyligen anheben? Das solltu mit yhn thun/ das du mit de-
nem nehisten thust. Gleych als du zum nehisten sagst/ Bitt gott
für mich/ also magstu hie auch sagen/Du sundigist nit/wenn

316
du sie also anruffst/ auch nit wenn du sie nicht anruffst. Wie
wol ich radten wolt/ du gebest dich alleyn auff Christum/
sonst kumpt ymmer eyn frag auß der andern/ ob sie ons auch
hören/ ob sie schlaffen 2c. Vnd wenn man weytt kommet/ so
ist ons doch nicht dauon gepotten/ vnd sollen ons nicht be-
kummern/ wie es vns sie steht/ denn es ist gnug/ das wir wiss-
sen/ das sie ynn Christo sind/ vnd Christus ynn yhn. Wie das
aber zu gehet/ das sollen wir gott befolhen lassen seyn/ denn das
ist gewiß/ wenn man gott bey den kleynsten zehen anrürt/ so
fulet erß/ wie er Matth. 25. sagt/ Was yhr meynem geringsten
habt gethan/ das habt yhr mir gethan 2c.

Die ander ehre ist/ damit man die heyligen ehret/ der lere
halbten/ die ist ganz vnd gar ehlich gepreyßet ynn Johanne/
denn er ist der vorlauffer/ vnd verkundet den herren/ darumb
wirt er so hoch angezogen/ seyns ampts halbten/ williches
denn das gröst ist/ da durch ons kümet die selickeyt/ das zeucht
sich nun alles dahynn/ das er soll eyn lerer seyn. Szo lasszen wir
nu faren/ wie er eyn gestrenges leben gefürt hatt/ die lere wollen
wir sehen. Die schrifft zeygt Johannes also/ das er stehe
ym mittell/ des allten vnd newen testaments/ das er sey eyn mitt-
ler zwischen Mose vnd Christo/ das ist eyn groß ding/ vnd
ober alle werck zu heben. Denn Christus hatt auch das gröst
werck than mit seyner lere/ die wunderzeychen sind nichts gegen
seyner lere. Also sagt Christus auch Matth. 2. A diebus Jo-
hannis/ von den tagen des Johannes des teuffers/ bis hie her
leydt das reych der hymell gewalt/ vnd die geweltigen reyssen es
zu yhn/ denn alle propheten vnd das ganze gesez/ weyssagen
bis auff Johannem.

Die erst predig die er thutt/ da schlecht er das gesez fur/
die ist/ wenn man das gesez geyslich außlegt/ das aller mens-
schen leben vnd werck sundlich sindt/ vnd des ewigen todts
wirdig. Darumb strafft er so hart die gleyßner/ die da kamen/
vnd sich wollten ynn den hymel heben/ vmb der werck willen/
Johanes aber/ yhe frumer sie waren/ yhe hertter er sie strafft/ vnd
sagt/ du otter gezichte/ wie sicher stehstu/ meynstu den/ du wol-
lest dem zorn gots entlauffen/ damit leget er hyn alle yhie werck/

vund sagt das sie des hellischen feuers werdt sind / vnd spricht/
Thut rechte puß. Da sind nyder geschlagen aller heyligen leben
alles das da scheynet/ gleyffet/ vnd treuget.

Also wenn man yetzunder auch sagt/ aller menschen werck
sind des todts vnd des hellischen feuers würdig / das die werck
durch gesetz ertzwingen müssen auff hören/ solche stym Johā
nis will niemant auffnehmen. Also kan sanct Johannes zu
seynem ampt nicht kommen/ noch das volck dem herin bereyt
ten. Aber wen die stym trifft/ der sagt ym hertzen/ ia es ist leyder
war/ ich bynn des teuffells/ eyn kind des zorns vnd der hellen.
Da hebt er denn an zu bidmen/ vnd zu zyttern. Da hatt denn
Johannes seyn ampt gethan / vnd das volck dem herin bereyt/
das ist denn sant Johannes erste predige. Also hatt das gesetz
gewert biß auff Johan. vnd das gleyssen der phariseer auch
gangen biß auff Johannem/ der hatt es auff gehalten.


Wenn nu solche lere ist empor gehalten/ das ich nu geschla
gen bynn ym meynem gewissen/ das all meyn ding nichts ist/
wo will ich denn hym? da wirt myr die welt zu enge werden/
so muß nu Johannes her kommen / vnd das new testament
anheben/ vnd die rechten lere außgeben/ das er eyn rechter mittler
sey vnd sagen. Ich hab euch getauffet mit dem wasser/ aber der
nach myr kompt/ der wirt mit feur vnd geyst tauffen/ rechte seyn
finger auß/ vnd weyset auff das lemlin gottis/ vnd sagt/ er
kenn den/ als ein lemlin/ dem deyn sund auff dem halß ligen/ vñ
du selig seyest/ so bistu es. Da geht nu her die lere des newen testa
ments.


Also muß man vñhym das hertz tödten vnd ym die hell
stossen/ darnach widder her auß heben vnd leben machen / auß
dem gewissen setzen/ vnd sagen/ das gesetz thut nichts zu der sel
ligkeit. denn wir kunnē nichts thun/ das das gesetz foddert/ dar
umb mußten alleyn auß das lemlin fallen / auß des halß ligen
die sund allein/ die ehre müssen wir allein gott geben/ das er vns
von den sunden erledigt hatt/ denn wir selbs kunden keyn sund
mit büßen keyn gnad erwerben. Also ist ym dem gesetz der todt
ym Christo das leben. Das gesetz stößt ym die hell vnd tödter/
Christus erhebt ym den hymel/ Das gesetz macht eyn blöde gea

947.
wissen/ Christus eyn fröliches seligs gewissen/ Christus gibt den
geyst/ das gesez den buchstaben. Das gesez beschwert die ges
wissen/ vnd gibt die sünde. Christus erleycht vnnnd gibt die ges
rechticheyt/ das sind die zwo predig Johannis.

Darumb wirt er vmb der lere willen also groß geacht gegen
gott/ vnd so seer gepreyset/ das er gott eyn gerüst volck machet/
denn er mit dem wort des gesez dich hatt zu schlagen / gelert
ym hertzen / das du nit seyest/ vnnnd preysset gottis werck/ das
macht das du an dyr verzagst/ vnd alleyn auff Christū bauest/
so kompt denn gott ynn dich mit geyst / vnd ferer vnd macht
dich frum/ nu schaw auff ob yhr nit als ym text habt.

Also muß Johannes den fur lauff haben vnnnd kompt ym
geyst vnd krafft Elie/ denn wie Elias straffe/ den König Achab
denn frummen/ vnd yhe mehr heylicheyt/ der auff richt/ yhe mehr
der Elias vmbstößt/ also muß auch thun Johannes/ muß zu
trümen stossen alles/ was vnser ist/ vnd sagen / Hüt euch vor
dem zukunfftigen zorn/ denn yhr seytt verdampft ynn den todt/
vnd hell/ vnd predigen das wyz alleyn auff Christum kommen
müssen/ vnd das heyst denn kommen in spiritu Elie/ also ver
steht yhr auch/ was das ist/ da der text sagt/ vñ wirt die hertzen
der kinder bekern zu den vetter/ das ist/ er sihet ynn die geschufft/
vnd sihet an den glawben der vetter / vnnnd furet die kinder auff
den selbigen glawben der vetter/ also thett Petrus auch Act. xv.
wyz vertrauen durch die gnade gottis selig zu werden/ wie vn
ser vetter/ das thutt auch Paulus Roma. 4. Credit enim Abra
ham 2c. Das sey von dem preys der lere Johannis gesagt.
Darumb vnterscheydt das ia wol/ lere vnd leben/ die lere ist als
ler welt selicheyt / vnd hilff der seelen/ gibt yhr das ewig leben/
aber der heyligen leben / treugt vnd feylet gar manch mal.





Jb 4139 a



ULB Halle 3
004 323 998



Sb.

Einband: W. Folger-Halle





39
7
8

18

